



Bentiaraq Ottosen

UPA 2026/150-1

Atassut

26. Maj 2026

Nuummi Imarsiornermik Ilinniarfimmut ininik attartuinnarani, Namminersorlutik Oqartussat tassunga illussamik sanatitsigunik, piginnittuugunillu siunissamut ungasinnerusumut naleqqunnerussanersoq pillugu nassuiaasiornissaannik, Naalakkersuisut peqquneqarnissaannik Inatsisartut aalajangiiffigisassaattut siunnersuut. Attartuinnarnermut nallersuullugu piginnittuunermi aningaasatigut, allaffissornikkullu kingunissaanik nassuiaat misissueqqissaarnertaqassaaq.

(Inatsisartunut ilaasortaq Bo Martinsen, Demokraatit)

Atassutip politikkaa naapertorlugu pisortat ingerlatsinerat akisussaassuseqartumik aammalu aningaasatigut patajaatumik ingerlatsisoqarnissaa pingaartippaa. Taamaattumik siunnersuut manna pingaaruteqarpoq, siunnersuutip siunertaa paasiniassallugu pingaartut isigaa Namminersorlutik oqartussat Nuummi Imarsiornermik Ilinniarfimmut attartornermik ingerlaanassanersut imaluuniit nammineq illuummik sanaartorlutik piginnittuunissaat inuiaqatigiinnut pitsaanerussanersoq.

Tamanna siullertut oqaatigaarput sumiissusersiortoqartariaqarmat suut aningaasatigut iluaqutaasinnaanersut aallaavigalugit, siunissamut ungasinnerusumut isiginikkut naleqqussaannissaa pingaaruteqartumik inuiaqatigiinni isiginiarneqassanersoq. Atassut naapertorlugu pisortat aningaasaataat atornerqartariaqarput siviusuumik iluaqutaasumillu naleqartunik pilersitsisunik. Taamaattumik Atassutip isiginnitaasia maluginiaraanni attartortumut ukiut tamaasa aningaasarpassuarnik akiliinnarnermiit pitsaanerussaasoq nammineq illuummik aningaasaliinikkut pilersitsisoqassasoq, taamaalilluni inuiaqatigiinnut naleqarnerulersitsineramik aningaasat patajaannerulernerannik tunngaviliissammat.

Atassutip siunnersuut pitsaasutut isigaa, tamanna isumaqarpoq pisortat ingerlatsinerat eqaannerusumik aammalu sunniuteqarluartumik ingerlanneqartariaqartoq. Nammineq illuuteqarnikkut Namminersorlutik Oqartussat ingerlatsineranut tunngatillugu aaliangiisinnaaneq annertunerulissaaq. Tamanna pingaartuuvoq eqqartussallugu nunatsinni aalisarnikkut piniarnikkullu ineriartorfiusumik naleqarnerulersitsineq aammalu nunat sanilerisat suleqatigilluarneranut ineriartortitsiffiusumik inuussutissarsiornikkut qulakkeerneqassammat. Eqqaamassuarpulli assartuusissakkullu ineriartortitsiffiusinnaammat nunatta siunissami issittumi uukatarineqarnerata annertusiartuinnartup teknologiikkut pitsaasumik kinguneqarluni ilinniartitaanikkut qaffasissumik inissisimasooq siunertaammat Atassutip tungaaniit.

Atassutip isiginnitaasia naapertorlugu namminersortutut inuussutissarsiuteqartut ineriartortinneqassapput, ilinniartitaanikkullu naleqarnerulersitsigutta inuussutissarsiornikkut



naleqartitatta pingaarnersaat allornermik ataatsimik naleqarnerulersissavarput, taamaattumik akisussaassuseqartumik naappertuilluarnerusaaq ilinniarsiit attartortakkamiiginnaratik nammineq illuummik pigisaqalernikkut siunissami ineriartornermik pitsaasumik kinguneqarluni ingerlatsisoqalissaaq.

Tamatuma saniatigut aningaasartuuteqarnerulernissamik siunertaqartoqassanngilaq, kisiannili naapequuppoq aningaasatigut iluaqutaasumik aqqiissuteqartoqarnissaa. Ersarinnerusariaqarmat avataaneersunit attuumassuteqarneq annikillisarneqartoq imminullu napatinnerusumik ingerlatsiartuaarnerup ersarissumik inissikkiartornera naappertuummat.

Taamaattumik Atassutip naleqartitai naapertorlugit siunnersuut pillugu misissueqqissaarnissaaq pisariaqarpoq, innuttaasut aningaasaataasa pitsaanerpaamik akisussaassuseqartumillu atornerqarnissaat aammalu ilinniartitaanermut naleqarnerulersitsisumik siunissami pitsaanerpaamik aaliangiisoqarnissaa anguneqassammat.

Taama oqaaseqarluta siunnersuut taparserparput akueralugu, Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut innersuupparput.